

肇慶府志卷八

古蹟廢城

署宅

園亭臺閣

坊表

寺觀

冢墓

高要縣

博林廢郡

晉末置在縣西南方輿紀要今縣西南有博洞村疑以故得名縣志

宋崇廢郡

劉宋置元和志平興縣本高要地晉末分置平興縣宋志云元嘉十六年立宋熙郡十七年更名宋

隆孝建中復為宋熙南齊志有宋隆郡治平興縣隋志平興下注云舊志宋隆郡平陳郡廢以所領縣入焉輿地紀勝今宋崇水口即宋崇郡之故址唐時避諱故曰宋崇吳志

撫納廢郡

在縣東南大清一統志

高要廢郡

今高要縣治同上

古端州知軍州署

即今府署阮通志

嵩臺驛

在城西包拯建明洪武二年遷城東一里臨江成化六年復改于舊址縣志

舊府學

即今縣學地其一為今總督署三司廳明城化間知府黃瑜所徙同上

舊縣署在泰將舊署嘉靖四
十三年改建郝通志

廉訪司署在府治東三百步黃通志明洪武初改為按察分
司又為嶺南道宏治中改為察院嘉靖改為撫按

行臺即今總
督行署縣志

布政分司行署在府治東一
里黃通志

分府署今縣治之西縣學之東明宣德五年指揮同知王英
等改為肇慶衛署經歷司知事廳鎮撫司並在其左

嘉靖間徙知事於衛前東畔以其地益縣署左右中前四所
在衛南屏牆國朝順治十三年總兵侯襲爵以明察院為

署十七年知府楊萬春因以
衛署改建察院今廢縣志

遞運所在城東一里臨江泰定中建明洪武十年
遷于石頭頂左正統六年裁並入崧臺驛

行用庫在府署南改醫學
今廢俱同上

慶新寨在後瀝水
口舊縣志

古耶寨在城東北五十里古耶都明改巡檢司洪武四年巡
檢林希遷于龍池都馮村國朝遷于金利鄉雍正

間廢
縣志

稅課司署

在城東富民坊洪武六年建嘉靖五年廢

府知事署

在經歷署前廢為吏舍

府檢校署

在照磨署前廢為吏舍

豐濟倉大使署

在府署西張衙巷今廢

河泊所

在城東龍津坊洪武十四年河泊王應祖陳九奇建明季廢

陰陽學

舊在府署東餘百步三皇廟內後為軍營嘉靖中與醫學並遷於孝肅祠右今俱圯

僧綱司

在天寧寺傍洪武十五年建今圯

道紀司

在城西景星坊後遷於東嶽廟明末遷城隍廟今圯

清軍館

在南城內成化間同知張吉建嘉靖二十年同知趙埏重建今廢

回回營

在城內東北隅東抵清真寺西至巡風廳左共營房八十五間今廢

左參將署

在衛署東成化間參將楊廣建即今縣署地俱同上

分巡嶺西道署

宏治十年副使胡富創建隆慶四年僉事羅向辰徙居舊分守道以署為察院萬厯初僉

事李材改建端溪書院總督殷正茂改為軍道署 國朝順治十三年改總兵署康熙元年改城守副將署舊高要志尋又改督標中營副將署舊府志今為萬壽宮縣志

分守道

即斗南書院

西察院

在西城外今為民居

理刑館

在府署南舊集郵館地宏治十年推官尹頌建後廢為民居正德間推官覃偉復其地重建又圯嘉靖三

十年知府彭參改建會通館今廢

督儲館

在府倉內嘉靖通判劉用章建今廢俱同上

星巖書院

在城北門外寶月臺包拯建久廢明萬曆三十六年知府張一棟因舊址甃石為長堤建觀音殿太和閣舊志

道光三年巡道王埴時攝府事糧道夏修恕建亭於臺後行

塘采訪冊

濂溪書院

寶光寺在城東臨江包拯建後改天妃廟明嘉靖四年知府曾直改濂溪書院今並廢縣志

舊崧臺書院

在石頭岡宣德中知府王瑩以石頭庵改建正德中知府程杲重建嘉靖初為東隅社學既而

遷五顯廟改社學於書院東二十五年知府胡純廢社學以益之建崇文閣及兩廊號舍崇正十四年總督張鏡心知縣

蕭琦改建閱江樓明末燬舊縣志國朝順治十年重建詳載閱江樓下縣志

文峯書院在南岸進唐岡文明塔下知府鄭一麟建今廢阮通志

景星書院在天寧寺左明萬厯間建久廢

慶雲書院在天寧寺右明萬厯間右總督陳大科建久廢俱同上

蓬山書院在南蓬山為區大倫講學建今圯吳志

鐸陽書院在濂溪書院左為知府陳濂建後圯同上今之鐸陽書院在睦民里擢英坊採訪冊

行素書院在寶月臺左明萬厯間建今圯吳志四鐵御史祠改日行素書院增祀王守仁馮時可行素書院記

仰湖書院在崧臺書院右為明都御史吳桂芳建今廢縣志

瞻淇書院在萬厯間為知府江中楠建同上

披雲樓在府治後城上又名飛雲宋政和年建明洪武初知府黃德明修成化中知府黃瑜修萬厯中知府陳濂

修崇正初知府陸鏊修舊縣志國朝乾隆三十九年燬於火巡道耿壽平修復樓舊三層殺其一道光三年攝府事燹

道夏修恕知縣韓
際飛重修縣志

明何喬新披雲樓記肇慶郡治之後崇岡拔起十餘丈其上
坦然如砥治城夾岡之左右而合於其趾焉宋政和中郡守
鄭敦義作樓其上扁之曰披雲蓋言樓之高峻若披雲霧而
出埃壒云爾皇朝洪武元年西江行省郎中黃本初攝郡事
既修其城並新茲樓飛簷傑閣屹然爲一郡偉觀迄今百餘
年風摧雨隳日以傾圯成化丁亥冬太守雲間黃瑜乃撤其
故而重構之爲樓三間其高二丈五尺深眎其高殺其五之
一廣眎其深倍之棟宇宏壯牕牖虛敞登其上者恍然若擎
星辰而臨風雨不知茲樓之在人寰也黃君政事之暇輒與
僚佐登焉啟牕拊楹縱覽山川銅鼓屹其前頂湖峙其後嵩
臺石室環其旁而端溪大江縈紆其下其奇峯疊嶺高薄霄
漢深涵烟雨蹲者如狻猊翔者如鸞鵠矯者如螭龍或旖旎
如旌旂或森竦如劍戟其澄波漫流或沉沉如白虹或靡靡
如素練或濤濤有聲如鳴環珮莫不逞奇競態以自獻於几
席之間至於嘉植芳苞垂陰而飄香錦鱗翠羽飛翔而潛泳
皆可以坐而玩之觀遊之勝甲於一郡矣黃君以郡通判李
敏斯和嘗學於予俾走書聞海屬予記之予惟古之君子所
以居高明而遠眺望以善其政而施於民也黃君之建是樓非所謂
其心滌其慮以善其政而施於民也黃君之建是樓非所謂
居高明而遠眺望者耶想其登斯樓也見山之安重不遷斯
所以宏其仁見水之周流無滯斯所以廣其智見里居之民
晨汲而暝春思盡其緩靖之道見峒處之猺帶牛而佩犢思

盡其招懷之宜則爲政之具不出戶庭而得之矣肇慶爲嶺南大郡頗稱難理黃君爲之三年政以和民以寧頑且獷者革心而慕善非獨其材識之優而然蓋所以開明其心目宣泄其志意者斯樓亦有功焉予未識黃君然聞其少學於廣西僉憲四明黃先生而與先生之子福建僉憲自立遊自立即爲予言黃君廉慎有爲不負所學則其賢可知已故爲之記成化八年歲在壬辰夏四月陳濂重修披雲樓記略端州有飛雲樓肇基於宋政和中再建於我明洪武之五年重修於成化之九年所從來遠矣予以萬厯己亥來守是邦則斯樓就圯已十之七八而東廊房鞠爲茂草心竊慨之遂以辛丑冬十二月始事壬寅秋九月告成中爲樓三間制仍舊口口口房各五間隙其傍雜蒔花木東爲聚秀西爲慶成凡二門則新創之費出修城之餘濟以贖鍰工出官傭口以踐更之卒帑不告困民不知役千百年遺蹟一旦煥然惟時同志贊襄丞則楚鄧彭君鳳翀倅則虎林口君益謨慎南祁君延年司理則樵李周君從龍高要令前則署篆四明袁君時選今則毘陵李君守俊咸樂成而董其役者高要尉鄭思也萬厯三十一年癸卯孟春之吉

宋黃公度披雲樓詩飛樓跨危堞雲霧曉披之形勝供臨眺公餘來燕宜江橫睥睨潤山入綺疏奇風月本無價君侯况有詩

明李香詩茲樓載登踐聿煥愜賞心崇闔懸麗宇飛甍俯長林林端曉霏歛積翠蔚以深粉堞雲際出奇香列峯岑逶迤

距芳甸滋漫江光沉比屋各鱗次諸溪盡帶襟涼飈瀏瀏集
輕鳥度野陰幸蓮盛明會四境銷氛祲近矚盪囂滓遐眺舒
帶枕嗟昔端江亂蕭索猶至今流獠薄城曲翳景妖戟森民
命刈草菅鎮壑時相尋城中局井甕募士空百金安得撤廢
椽箭發醜類擒此邦夙多難薄劣力靡任備先戒不虞式古
勉自箴但恐忝所荷周克綏黎民憑高憶王粲聊一擬越吟
又春風一登眺城上最高樓遠檻孤雲細棲簷薄霧收人
家依樹密山郭帶江流五馬轡岡列七巖星斗浮濃花明遠
甸野水弄晴洲斥堠猶戎馬憑欄翻百憂黃瑜詩乘暇來
登城上樓宜情鄉思共悠悠京華北望幾千里嶺表南來第
一州倦鳥孤飛天不盡晴山疊出雨初收

收包公尚有甘棠澤清譽令人仰未休

國朝宋廣業詩北城雉堞近山巔樓建飛雲勢插天一望山
川都在望端州氣象獨巍然胡森詩寶月落下方飛雲踞
城上寶月生定光飛雲有變狀君欲觀西江請更一層望牂
牁天上來帆白空際漾龍驤疾似燕漁舟渺無象遠驅闖闖
喧近偏笙鶴亮所惜四簷高低處反不暢莫如看北頂下層
轉清曠瀝湖寬作田定山蹴如浪村樹葉五色塘藕花十丈
漁樵出錦繡婦女上屏嶂兒童疑可呼雞犬盡相向七星若
水官水德黑正旺岩岩培塿中秦軍列虎帳又如人鴈子著
面有奇相山川在亭榭收拾不可放位置一失宜心目了無
當斯樓與閱江爭長或恐讓幼輿邱壑人此焉樂閒蕩金
蘭原坡雲樓晚眺詩奇峯縹緲夏雲新底事閒愁觸撥頻田
不汙萊方足食吏非澹泊恐妨民危機數與功名會退計常

將詩酒親寶月池荷堪眺望晚風綽約絕浮塵又九日披雲樓登高詩四圍雉堞萬家藏樹遠江空接混茫沿嶺荷樵歸路急抽帆入峽引風長隔年語笑人堪憶此處登臨我不忘那有白衣人送酒滿頭且插菊花黃

端明樓

在城東門外濱江宋嘉泰間建今圯

嚴慎樓

在西門外明嘉靖間建今圯

景星樓

在西門外今圯

斗輝樓

在衛署後明萬曆三十一年總督戴耀副使陳濂建給事梁有年記

閣江樓

在東門外石頭庵舊址俱同上明崇正十四年督府張鏡心建尋燬國朝順治十四年總督李率泰王

國光建國光記康熙八年總督周有德修史大成記三十二年總督石琳修改名鎮南琳記四十八年總督趙宏燦修嘉慶二十一年高要縣陳聞炳觀其美材重修之易以杉縣志

國朝兩廣總督王國光重建閣江樓記

今上御極之十有五年東南南粵重奠區宇惟我三韓壽籌李

公先余總制入境二載遠邇以次撫綏就理業已澤鴻不鳴

風鶴無警文武是憲百度具舉矣而其暇乃及於端州之形

勝向余謂端州之為古名郡自關隴下牂牁經夜郎直達番

禺而此實為咽喉之地水從巴桂賀合注而東而羚羊高峽

約其流山從蒼語逶迤而東而石室嵩臺控其勢則崧臺於
 粵東爲上游而嶺西郡治之第一關也舊志爲石頭菴後改
 崧臺書院未幾爲閩江樓尋亦荒圯不增葺之何以壯巨觀
 而阜民物予聞之慨然敢不極力仔肩以襄所不逮遂與平
 靖兩藩撫按鎮司道及文武僚案諸君詢謀僉同爰命鳩工
 焉審曲面勢不煩卜度盤基徑途一仍舊址周垣欄檻泊前
 後堂廡次第克舉以至疊架層棟寬從舊而高倍之其前爲
 閩江樓俛首端溪如帶如練雙塔于雲五馬奔電羣公暇日
 來騁望坐銷憂無踰于此後爲文昌閣高聳重簷八面四達
 歷睇七星三台諸峰環拱帝子之居嵯峨乎大觀也哉左右
 雨廊東迎朝曦呼吸鼉鼓天人合發而後顯其奇石有時泐
 山有時垓五百年名山一開則天爲政雖有佳山水當窮谷
 深壑之地誰與選勝則地爲政敬亭非謝李諸人不能生色
 潮非韓柳非柳惠儋非蘇卽絕奇江山亦天荒地老耳則人
 爲政緊茲崧臺輪輻雜還地居其衝背巖襟江天闊其形今
 日營度謀厥始者李公襄厥成者惟予至于庀林董工則原
 署高要知縣史文直實任其事皆藉手吾人之力以發榮乎
 山川登斯樓也以瞻靈物則譏祥可徵以時遊觀則勞逸可
 節且將牂牁以下之氣脉聚而達之南海之濱則形勝增壯
 民物加阜孰謂崧臺之役不大有造于全粵者哉是役也經
 始于丁酉春莫落成于戊戌年秋初計費金四千有奇坏土
 寸木毫不歛之民間惟兩藩李公與予暨撫按鎮司道諸同
 事捐俸拮据以俾其成功功成用紀其巔末勒諸貞珉
 以垂永永是爲記順治十五年歲次戊戌孟秋吉旦

國朝查慎行登端州城東閩江樓詩好事何人送酒來自扶
雙屐躡崔嵬山從迴雁峯頭落潮過羚羊峽口回浩浩風聲
隨几杖濛濛蜃氣出樓臺天公不薄將歸客霽色今朝爲一
開朱爇尊崧臺晚眺詩傑閣臨江試獨過側身天地一悲
歌蒼梧風起愁雲暮高峽晴開落照多綠草炎州巢翠羽金
鞭沙市走明駝平蠻更憶當年事諸將誰同馬伏波陳恭
尹詩將牂之江千里來羚羊峽口一線開長波鼓盪氣不洩
沙邊怒吼成風雷五月六月西潦至端州古城晝常閉卽今
水落洲渚高急流尙作奔揚勢誰飛傑構臨江隈下有孤石
名崧臺崇基崢嶸山岳立古榕詰屈蛟螭迴百道文窓浮木
末四樓角立何軒豁曲閣周流複道長高廊四注空階濶猶
憶登樓髮尙髫樓前親見海龍朝萬乘旌旗屯北郭千官車
馬聚寒潮二十年來重繫舸滴淚闌干獨愁我白雲飛盡蒼
梧深滿目寒山日西墮翁方綱詩崑崙之脉來夜郎東流
直下萬里長包絡滇黔匯交桂中乃混一灘與湘潯梧百折
到南海全入牂牁歸大洋端州城外石磯石屹此四瞰爲遮
防三面皆山一面水水又襟帶山之旁初看星巖排北牖金
天邈迤騰光芒諸峯漸西勢漸濶遠如兩扇棖闌張一絲裊
裊下天際紆徐浩淼趨中央忽然斗起跑空立一門萬馬爭
奮驤強弓迅矢發不及白浪倒射蒼厓蒼東以孤亭受以峽
峽三十里皆羚羊建瓴屋下復有屋崧臺址本層層方因臺
拓扉俯峽底不知更幾千丈强大湘小湘出帆背頂湖瀝湖
穿石梁龍湫又吐諸瀑下峽口急鬪聲礧礧千巖樹逼水關
綠萬壑風濺山窓涼自此南江北江合滔滔浩浩仍悠揚百

里千里注海去復接橫浦湝洽涯斜陽極天送遠翠頃刻四
壁皆江光雲嵐咫尺在几席高歌獨立神蒼茫朱珪詩雄

樓四達開軒窓負星面鼓臨西江賀梧遠導自黔鬱高峽近
東收崆峒端州形勝實都會氓俗剽悍其言咤東南距海四

百里三川滙合迴奔瀧今秋江漲釣臺漫睥睨俯汲摩梳簍
怒潮上湧建瓴下兩雄勅力誰肯降兒啼登屋魚入巷羚羊

倒咽號羊腔四圍冲沒廬蕩析嗷鴻四野愁津砭節府西經
惻政履飛書告我吁洪澤連名請命上閭闔遙宣堯禹恩

惇庖便宜散利拯病苦扁舟暫纜存鷄庖錙銖升勺計口率
睢肝憐此情愚憇晴光及旬水歸壑晚播尚可疏豆豉艱食

鮮食

帝之力鞠人謀人心則懞據高俛下仰天咫尺呼吸聲應凌空

登梁間星使勒長句健筆頗擬龍文扛邂逅許生七閩秀哦
詩浮切精敲縱嘻余民瘼費求度雅興束手臍走麗水監何

有稻蟹急海國善幻魚龍撞牧羣去害告僚友信美非土嗟
此邦力微責重三自省擇取那得熊魚雙何當歸去老齋个

玉樓挽水車淙淙乾隆甲寅作馮敏昌詩滕王閣前倚王
郎飛掉不說江水長昔人黃鶴復高舉獨俯江漢窺衡湘我

乘牂牁之西漲藤梧曉勢趨汪洋船行州邑疾飛鳥天意風
水復周防雄樓十丈誰俯望崧臺傑出江亭旁檐浮百雉軼

埃块檻湧六塔分豪芒茫然大河落南牖白龍鱗甲森開張
羣山如雲怒相控首不見尾餘中央堆阜鼉行亦鼉跂作力

鼯屬皆騰驤羚羊之峽獨何許鍊浮圖起摩青蒼上有黔雲
矗相壓如困如鼠如牛羊大風東來驅不動但見白浪組練

驅西方吁嗟哉此樓前後登者不可量雄文峻筆誰豪強闕
人何啻若傳舍賦手咫尺無津梁吾師筆陣看堂堂雷門鼓
震聲礮硯武昌題詩慰遷客洪都把酒追新涼塌來茲樓語
登覽奇字許學成都揚逝將渡江訪幽薊徑取章貢先漚涯
壯遊每泥神所助羈泊未免顏無光流行坎止自有日問天
何必徵蒼茫史樹駿詩端溪供客眼只有閩江樓雅望緣
都督高臺白石頭七星迴夕照雙峽鎖嚴秋不待探形勝凭
闌興已稠山隨蜃吐納水控月西東似欲招黃鶴時聞吼
玉虹羽觴平拂樹岸幘恰當風最喜烟霞際仙人石室中
江上甲嘗滿樓頭塵已吹李公存舊蹟吾輩賦新詩竹葉秋
高裏棠陰落日時衆賓攜醉後駐馬拜荒祠自昔稱良宴
南昌與武昌少年才不世老子興何長此地堪爭勝斯人獨
渺茫沉吟風雅事把酒意猶狂杭世駿詩送別江樓思悄
然橫江指點碧欄前山頭雙塔遙相望鳥下千家近接連雲
絮紛紛摧晚色風帆葉葉飽春烟獨憐妙景江南並不得金
華一記傳彭端淑詩巨浪沿江下千山湧峽來憑軒風入
閣列坐客啣杯倏覺炎蒸退頻令心眼開端州多勝地半入
此樓臺王棟詩傑閣臨江起江流動地來巖隨星象布潮
自海門回日落漁舟集天空雁陣閒望雲無限思秋氣滿樓臺

天籟閣

在七星巖天啟間知縣汪漸磐建縣志

崇文閣

在崧臺書院郝通志明嘉靖間知府胡純建今改閱江樓吳志

鄰天閣

副在七星巖明萬歷元年
使李材建郝通志

明梁景先鄰天閣賦嶺西名勝粵爲星巖崇椒嶧岫竊壑龍
嵒邈扶輿之卓犖孕海嶠之春容水會流而匯澤山頓起以
崆峒棲雲孤芳映帶乎寥廓玉虛傑構磅礴乎穹窿儼蓬萊
環弱水之隔恍元圃在瑤池之中信乎海表之巨觀而亦通
都之罕覲也有斐文士徘徊乎山谿逍遙乎水石笑談六合
之內馳騁百氏之間自詫其所產之奇勝也隣天主人聞之
喜而逐焉曰吁子來前曷所從而至此曷所見而云然士曰
混沌之始融而爲川渾灝之氣結而爲山大而顯者帝王之
域小而幽者神仙之邱南岐比落員嶠方壺遐哉邈矣惟茲
巖也僻于嶺海介乎仙凡西通勾漏東挹羅浮近接扶胥遠
街陽谷薄霄漢而晬曉星辰瞰虹流而吞吐日月龍牀丹井
眞爲方外之區乳竇芝房宛若長生之境仙犬吠而壺天晝
永幽禽語而洞壑雲深懸草垂金飛泉漱玉其爲概也不亦
勝乎主人曰觀子之言匪無謂也豈其然歟載考茲山洞天
福地之所不書騷選鴻詞靡經品藻漢魏樂府無所取裁聞
昔守土者塞之以節省蓋不以之爲有無也士曰繫轡地因
人勝從古則然蘭亭以右軍而著天台以孫綽而傳夫以一
山一水之間一觴一詠之迹尙揚芳於四外流美于當年矧
惟茲巖錯落北斗之精凝結南海之靈纍然小堪輿也唐宋
縉紳騷人遷客瑤篇玉篆彪炳後先猶爲瀛溪陽明過化之
地耶且茲構也飛閣流丹層臺聳翠棟披羊峽之雲簾捲湖
山之雨謂之鄰天不亦宜乎傳巖之版築聿新濟川之舟楫

攸具山若增而高水若增而深物則且然人可知矣主人憮然曰異哉願聞所以士曰世之嗜遊觀者知其勝而莫知所以勝惟善觀物者得之若知夫四時之變態蚤暮之異狀矣乎春和景媚綠戰紅酣文鴛孳尾鹿徜徉節屆朱明葉荷蘸影翠羽蹁躑錦鱗遊泳商飈薦爽秋水漣漪梧飄金井菊綻東籬應鐘律移寒梅破萼對月吟猗臨風唳鶴可以觀天地之闢闔驗陰陽之始復也至如旭日始旦農夫出疆胼手胝足于菑于場槐陰轉午柳影方中漁歌樵唱往來憧憧斜陽銜山人影在地牛背笛聲三兩歸去俄而月印前溪矣可以觀消息之盈虛覩人事之修否也主人喟然嘆曰沂水舞雩之樂其在斯乎士曰未也人之樂遊觀者知觀物而不知體物惟能成物者得之若知夫四門之重闢八荒之洞達矣乎奇峯疊嶺襟帶延袤喬木高牙紆縈絡繹泊乎金鰲泛駕玉輦跨梁海若山靈雲龍風虎莫不逞奇競態以自獻于几席之間遊觀之勝甲海外矣彼雁巖燕磯之景黃鶴岳陽之樓聆以楚些離騷綴以結風陽阿雖才人之窮觀天下之至妙恐未足以誇越也雖然古之君子居高明而遠眺望升邱陵而處臺榭豈徒感玩物華流連光景已哉期以澄心滌慮寓目興懷詒穀敷澤阜成兆物也端之爲郡據廣上游水陸要衝通逃淵藪獠洞壘壘鄉村落民之瘡痍奄奄久矣是故登斯樓也觀山川之形勝思所以爲保障之謀視原野之衍沃思所爲墾治之籌觀閭閻之民出作而入息思盡其緩撫之綢繆見嶠峪之蠻帶牛而佩犢思盡其招攜之壯猷濟時方畧不出戶庭而得之矣所以開明其心目宣泄其志意

消遣世慮無去國懷沙之思斯巖之助為不誣也然則隣天之閣將不與籌邊熙春諸樓爭雄于寓內也哉主人端居唯忻然自得擊節而為之歌曰維七巖之聯絡兮猶五緯之麗夫薇垣奇石之鼎峙兮宛四嶽之柱夫天門登高閣以思齊兮庶幾干城之桓桓瞻北斗而遙祝兮願介眉壽于一人後天下之樂而樂兮罔俾專美乎希文

文昌閣

一在崇禧塔旁萬曆九年知府王泮建即今王公祠後閣縣志一在舊理刑館東康熙十二年知府史樹

駿建

吳志

三元閣

在石室巖明萬曆年副史李開芳建縣志

清心堂

枕書堂

清心堂在府東枕書堂在西皆知軍州包拯建後改枕書堂為鑒止堂改清心堂為靜治堂又改為中和

堂又有相魁堂敬簡堂雙瑞堂節堂秋霜宅皆拯所名今并為廨舍同上

宋黃公度清心堂詩千里有餘刃一堂聊賞心庭虛延遠吹簷敞受繁陰休吏簾初下忘懷機自沉人間足塵土無路到

清襟

包公堂

在府治堂後今改名孝肅阮通志